

佛说弥勒下生成佛经 1 卷

No. 455 [Nos. 453, 454]

佛说弥勒下生成佛经

唐三藏法师义净奉 制译

如是我闻。一时薄伽梵在王舍城鹞峯山上。与大苾刍众俱。尔时大智舍利子法将中最。哀愍世间从座而起。偏袒右肩右膝着地。合掌恭敬。而白佛言。世尊。我今欲少咨问。愿垂听许。佛告舍利弗。随汝所问我当为说。时舍利子即以伽他请世尊曰。

大师所授记	当来佛下生
彼号为慈氏	如前后经说
唯愿人中尊	伽陀重分别
彼神通威德	我今乐欲闻
佛告舍利子	应至心谛听
当来慈氏尊	为汝广宣说
尔时大海水	以渐减三千
二百踰缮那	为显轮王路
瞻部洲纵广	有万踰缮那
有情住其中	在处皆充满
国土咸富盛	无罚无灾厄
彼诸男女等	皆由善业生
地无诸棘刺	唯生青软草
履践随人足	喻若覩罗绵
自然出香稻	美味皆充足
诸树生衣服	众彩共庄严
树高三俱舍	花菓常充实
时彼国中人	皆寿八万岁

无有诸疾苦  
具相悉端严  
人患有三种  
女年五百岁  
诸有欲便利  
人命将终尽  
城名妙幢相  
纵十二由旬  
其中所居者  
此城有胜德  
楼台并却敌  
关键及门庭  
绕堞诸隍塹  
名花悉充满  
七行多罗树  
众宝以庄严  
微风吹宝树  
犹如奏八音  
处处有池沼  
园苑擢芳林  
国中有圣主  
金轮王四洲  
其王福德业  
七宝皆成就  
四海咸清肃  
正法理群生  
王有四大藏  
一一藏皆有  
羯陵伽国内  
蜜絺罗国中  
伊罗钵罗藏  
婆罗疵斯境  
此诸四伏藏  
百福之所资

离恼常安乐  
色力皆圆满  
食衰老便利  
方乃作婚姻  
地裂而容受  
自往诣尸林  
轮王之所都  
广七由旬量  
皆曾植妙因  
住者咸欢喜  
七宝之所成  
种种宝严饰  
皆营以妙珍  
好鸟皆翔集  
周匝而围遶  
皆悬网铃铎  
演出众妙声  
闻者生欢喜  
弥覆杂色花  
庄严此城郭  
其名曰饷佉  
富盛多威力  
勇健兼四兵  
千子悉具足  
无有战兵戈  
设化皆平等  
各在诸国中  
珍宝百万亿  
藏名冰竭罗  
般逐迦大藏  
安处捷陀国  
藏名为饷佉  
咸属饷佉王  
果报咸成就

辅国之大臣  
四明皆晓达  
博通诸杂论  
训解及声明  
有女名净妙  
名称相端严  
大丈夫慈氏  
来托彼夫人  
既怀此大圣  
于是慈尊母  
至彼妙园中  
徐立攀花树  
尔时最胜尊  
如日出云翳  
不染触胞胎  
光流三界内  
当尔降生时  
躬自擎菩萨  
菩萨于此时  
而于足履处  
遍观于十方  
我此身最后  
龙降清凉水  
天散殊妙花  
诸天持白盖  
各生希有心  
裸母擎菩萨  
具足诸光明  
御者进雕辇  
母子升其中  
千种妙音乐  
慈氏入都城  
慈尊诞降日  
普得身安隐

婆罗门善净  
多闻为国师  
善教有闻持  
莫不咸究了  
为大臣夫人  
见者皆欢悦  
辞于喜足天  
作后身生处  
满足于十月  
往趣妙花园  
不坐亦不卧  
俄诞胜慈尊  
出母右胁已  
普放大光明  
如莲花出水  
咸仰大慈辉  
千眼帝释主  
欣逢两足尊  
自然行七步  
皆出宝莲花  
告诸天人众  
无生证涅槃  
澡沐大悲身  
虚空遍飘洒  
掩庇大慈尊  
守护于菩萨  
三十二相身  
捧持来授母  
皆用宝庄严  
诸天共持舆  
引导而还宫  
天花如雨落  
怀妊诸媛女  
皆生智慧男

善净慈尊父  
具三十二相  
父依占察法  
处俗作轮王  
菩萨既成立  
众苦险难中  
金色光明朗  
目等青莲叶  
身長八十肘  
面广肩量半  
菩萨明众艺  
请业童蒙等  
时彼饷佉王  
幢高七十寻  
宝幢造成已  
施与婆罗门  
其时诸梵志  
得此妙宝幢  
菩萨覩斯已  
生死苦羈笼  
祈诚寂灭道  
生老病死中  
慈尊兴愿曰  
俱生厌离心  
于初发心夜  
还于此夜中  
时有菩提树  
高四踰缮那  
枝条覆四面  
慈氏大悲尊  
于人中尊胜  
说法度众生  
苦及苦生处  
能修八正道

觀子奇妙容  
心生大欢喜  
知子有二相  
出家成正觉  
慈愍诸群生  
轮回常不息  
声如大梵音  
支体悉圆满  
二十肘肩量  
满月相端严  
善教受学者  
八万四千人  
建立七宝幢  
广有寻六十  
王发大舍心  
等设无遮会  
数有一千人  
毀坼须臾顷  
念世俗皆然  
思求于出离  
弃俗而出家  
救之令得出  
八万四千人  
并随修梵行  
舍俗而出家  
而升等觉地  
号名曰龙花  
蓊鬱而荣茂  
荫六俱卢舍  
于下成正觉  
具八梵音声  
令离诸烦恼  
一切皆除灭  
登彼涅槃岸

为诸清信者  
得闻此如法  
于妙花园中  
满百由旬内  
彼轮王饷法  
罄舍诸珍宝  
不恋上宫闱  
八万四千众  
复八万四千  
闻王舍尘俗  
主藏臣长者  
并与千眷属  
宝女毘舍佉  
八万四千众  
复过百千数  
闻佛宣妙法  
天上天人尊  
普观众心已  
告众汝应知  
教汝修正道  
或以香花鬘  
供养牟尼主  
或鬘金沈水  
供养牟尼塔  
或归佛法僧  
当修诸善行  
或于佛法中  
善护无缺犯  
或于四方僧  
并奉妙医药  
或于四斋辰  
受持八支戒  
或以三种通  
化道声闻众

说此四真谛  
至诚而奉持  
诸众如云集  
眷属皆充满  
闻深妙法已  
祈心慕出家  
至求于出离  
咸随而出家  
婆罗门童子  
亦来求出家  
其名曰善财  
亦来求出家  
及余诸从者  
亦来求出家  
善男善女等  
亦来求出家  
大慈悲圣主  
而演出要法  
慈悲释迦主  
来生我法中  
幢幡盖严饰  
来生我法中  
香泥用涂拭  
来生我法中  
恭敬常亲近  
来生我法中  
受持诸学处  
来生我法中  
施衣服饮食  
来生我法中  
及在神通月  
来生我法中  
神境记教授  
咸令烦惑除

初会为说法  
九十六亿人  
第二会说法  
九十四亿人  
第三会说法  
九十二亿人  
三转法轮已  
将诸弟子众  
既入妙幢城  
为供养佛故  
四王及梵王  
香花鬘供养  
大威德诸天  
缤纷遍城邑  
以妙宝香花  
履践于其上  
音乐及幢幡  
人天帝释众  
南谩天上尊  
善哉薄伽梵  
有大威德天  
归心合掌礼  
梵王诸天众  
各以梵音声  
于此世界中  
蠲除有漏业  
人天龙神等  
罗刹及药叉  
彼时诸大众  
超越生死流  
彼时诸大众  
无我我所心  
彼时诸大众  
圆满静虑心

广度诸声闻  
令出烦恼障  
广度诸声闻  
令渡无明海  
广度诸声闻  
令心善调伏  
人天普纯净  
乞食入城中  
衢巷皆严饰  
天雨曼陀花  
并余诸天众  
辅翼大悲尊  
散以妙衣服  
瞻仰大医王  
散洒诸衢街  
喻若覩罗绵  
夹路而行列  
称赞大慈尊  
南谩士中胜  
能哀愍世间  
当作魔王众  
赞仰于导师  
眷属而围遶  
阐扬微妙法  
多是阿罗汉  
永离烦恼苦  
干闥阿修罗  
皆欢喜供养  
断障除疑惑  
善修清净行  
离着弃珍财  
善修清净行  
毁破贪爱网  
善修清净行

慈氏天人尊	哀愍有情类
期于六万岁	说法度众生
化满百千亿	令度烦恼海
有缘皆拯济	方入涅槃城
慈氏大悲尊	入般涅槃后
正法住于世	亦满六万年
若于我法中	深心能信受
当来下生日	必奉大悲尊
若有聪慧者	闻说如是事
谁不起欣乐	愿逢慈氏尊
若求解脱人	希遇龙花会
常供养三宝	当勤莫放逸

尔时世尊为舍利子及诸大众。记说当来慈氏事已。复告舍利子。若有善男子善女人。闻此法已。受持读诵为他演说如说修行。香花供养书写经卷。是诸人等当来之世。必得值遇慈氏下生。于三会中咸蒙救度。尔时世尊说此颂已。舍利子及诸大众。欢喜信受顶戴奉行。

## 佛说弥勒下生成佛经

按开元录弥勒下生经前后六译。三存三失。而此本亦在三存之一也。则宋藏无此经者失之耳。今得于丹藏而编入之。

---

【经文信息】大正藏第 14 册 No. 0455 佛说弥勒下生成佛经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

---